

兵相鐸陳一鳳共圖斯美樂觀厥成則嵯司
副劉仲芳兩庠典教趙豪鄭儒周謨王世昊
也旣以衛民名其墟而復繫以民歌曰厥墟
之東榛棘叢叢狐狸晝舞虎豹競雄匪翁惠
我遑恤我躬厥墟之西雲水汀蹊蒼蠅逐臭
白馬曷棲惟翁下車我是用禔厥墟之北風
雨颼颼元冥灾生魚鼈我室弗有召父疇能
無惕厥墟之南樓堞崦嵫水道弗濬脈血我
疇疇能造我以引我恬

修欽州堂記

倫以訓 明祭酒

欽於廉爲支郡自京師至于我廣會城萬里而遙自廣而西至于廉千里而遙又西百四十里乃爲欽南岸距滇西逼交趾其川途視古要荒其民俗雜彞其吏治惴以倫百務傾圮莫或釐振次崖林侯來守州日夜撫循其民興革其利病民咸言州堂敝且盡宜時改建侯曰俞哉州故事力綿費促侯約已節贏隨事均贍先行視學宮遷諸宏塏作廟祠堂

齋至於庫廚門咸備顧瞻州堂曰猶堪蔽吾
風雨也倅無衙居吏無子舍奚以夙夜在公
命成之又曰社學攸備在焉儀門鼓樓以肅
衆也陰陽醫學旌善申明亭以存教也舖舍
橋梁以利濟也因獄養濟院尤城民所急又
命成之旣乃于州堂規其兩楹正堂立之串
堂後堂各三之廂房庫儀仗庫吏目廳皆如
串堂之數深廣各倍舊制覈商稅之隱匿者
沒以供上欽產多良材而民習構竹巢居侯

教之版築禦火與溼民未卽從令罰其尤不
率者以益工自嘉靖戊戌季冬川堂經始越
春夏季秋告成費白金僅七鎰州民爭走瞻
賀歸而視其家則亦百堵堅完彌望矣而州
守之衙居乃未始有經畫焉民再以言于侯
侯笑而不應州倅朱君浙謂其民曰侯自有
廣居爾何知侯昔爲督學憲臣于茲寓宇宮
牆侯之所矩矱也入爲天子之九卿明堂几
筵侯之所位署也侯且不彼寧宇翩然而來

若海之濱是孰宇宙之而奚有於茲堂乎政
本既尊壯觀有赫嘉與爾民相協厥居斯已
矣海氓竭竭崇堂讞決爾將以是爲不朽名
爾之見則然吾當爲然爾謀記必於倫子侯
同年也倫子聞而是之曰侯之所存與侯之
所自存孰能涯涘之存侯於欽則斯堂也不
可以不記云耳

修欽州學記

淳熙四年
岳霖拓建

張

栻

宋儒

安陽岳侯霖守欽州之明年政通人和乃經

理其州之學悉改其故之卑陋廟廡整齊次第一新特來揭記久之未暇也又明年學之教授周去非秩滿道桂復以侯意來請且曰欽之爲邦僻在海隅地近彝而俗尚利縫掖之士蓋鮮有焉惟侯不敢以其陋而加忽也故新其學以勸之且求一言以示後庶幾或有興起也栻於是仰而嘆曰夫所爲建學者欲其士之衆多也今夫通都大邑操觚習辭發策決科肩摩袂屬必於是而後謂之多士

乎哉殆未然也夫寡國鮮士亦何足病十室之邑必有忠信之質焉其成就與否則係乎學與不學而已學者所以成材而善俗也今欽州雖僻其士雖鮮然其間亦豈無忠信之質乎無以揭之曷其招之無以道之曷其通之爲之嚴學宮於此詳其訓迪以明乎人倫之教聖賢之言行薰濡之漸由耳目以入其心志其生質之美者能不有以感發乎有以感發則將去利就義以求乎爲學之功而又

以訓其子弟率其朋友則多士之方豈不庶
幾矣乎異時人材成就風俗淳美其必由今
日之舉有以發之請刻記于學以垂于後來

思文社學記

林希元明

昔先王治天下爲之農桑衣食以養其民又
設庠序學校以教之蓋飽食煖衣逸居無教
則近於禽獸君臣父子夫婦長幼朋友之倫
乃中國之所以異于彝狄人類之所以異于
禽獸者也故先王之治旣富而教於人倫尤

所先焉三代遠王道衰後世建學立教其名
雖同於古人其實相去遠矣我朝酌古爲治
自府州縣以至方隅里巷莫不有學在府州
縣曰儒學在方隅里巷曰社學社學之教主
於明倫敬身儒學之教主於明經修行以其
責附之郡縣又命憲臣董正之三年大比以
選其賢者能者而賓于王其意與古先聖王
蓋未始有異也歷時既久漸失其真學于社
學者取足於記姓名知文墨上焉者爲生徒

以資進取明倫敬身之意失矣學於儒學者
櫟括經言議擬題意以迎合主司掇科第明
經修行之意失矣鄉無善俗職此之故而又
以民之墾田未稅者輸之學各二十畝社學
十八所共田三百六十畝贖回前官所鬻市
肆一十七與新建市肆一十五庸供各學之費乃記之

靈山城池記

張岳明

靈山據廉之上游外控橫邕天順成化間蠻
寇殘橫邕逾嶺攻破縣郭廉與屬城無一能